



basic education

Department:
Basic Education
REPUBLIC OF SOUTH AFRICA

NATIONAL SENIOR CERTIFICATE

LIBANGA 12

SISWATI LULWIMI LWASEKHAYA (HL)

LIPHEPHA LEKUCALA (P1)

INDLOVULENKHULU/MASHI 2011

IMEMORANDAMU

EMAMAKI: 70

Lememorandamu inemakhasi lasi-7.

SIGABA A: SIVISISO

Imemorandamu yekumaka sivisiso

- Bahlolwa belulwimi lwasekhaya, batawulahlekelwa ngemamaki nangabe banemaphutsa esipelingi emibutweni lefuna timphendvulo letiligama linye.
- Bahlolwa abangajeziswa uma banemaphutsa esipelingi nelulwimi emibutweni lemidze ngobe injongongco kuvisisa.
- Emibutweni levulekile bahlolwa abanganikwa emamaki nangabe baphendvule ngetimphendvulo letitsi: YEBO/CHA nobe NGIYAVUMA/ANGIVUMI. Kufanele banike sizatfu nobe bachaze ngalokugcwele nobe besekele.
- Emibutweni lefuna LICINISO/LIPHUTSA nobe LIPHUZU/UMBONO emamaki kufanele ehlukane emkhatsini, lokusho kutsi limaki linye linikwa LICINISO/LIPHUTSA nobe LIPHUZU/UMBONO lelinye linikwe sizatfu/kuchaza/ngalokugcwele/kwesekela/kucaphuna. Limaki lesizatfu nobe kwesekela linganikwa **kuphela** uma incenye yalokuLICINISO/LIPHUTSA nobe LIPHUZU/UMBONO kulungile (umbono losekelwako awunikwa limaki uma (LICINISO/LIPHUTSA nobe LIPHUZU/UMBONO) ungakacinisekiswa.)
- Imibuto lefuna kucaphuna etheksthini, bahlolwa abangajeziswa nangabe bashiye timphawu tekucaphuna nobe lokucashuniwe kunemagama langakapelwa ngalokulungile.
- Uma umbuto udzinga timphendvulo teligama linye kuphela bese bahlolwa baphendvula ngemisho legcwele kufanele kwemukelwe nangabe ligama lelifunekako lidvwetjelwe nobe ligcanyisiwe.
- Uma umbuto udzinga emaphuzu lamabili/lamatsatfu kodvwa bahlolwa banike langetulu kwaloko, akumakwe lamabili/lamatsatfu ekucala.
- Uma umhlolwa asebensa emagama aletinye tilwimi letingasiso Siswati anganakwa lawo magama, kodvwa nangabe imphendvulo ivakala ihambisana nembuto akangajeziswa. Kodvwa nangabe kusetjentiswe ligama lalolunye lulwimi etheksthini kantsi liyafuneka, loko kwemukelwe.
- Inkhulumosigodzi (lulwimisigodzi) yemukelwe.
- Imibuto lapho kunikwe timphendvulo letinyenti kutsi bahlolwa bakhetsa, akwemukelwe luhlavu loluhambisana nemphendvulo nobe nangabe abhale imphendvulo ngalokugcwele.

TIMPHENDVULO TESIVISISO SEKUCALA

- | | | | |
|-----|-------|--|-----|
| 1.1 | 1.1.1 | Kuphazamisa umuntfu asakhuluma/Kuphendvula umuntfu asengakacedzi kukhuluma. | (1) |
| | 1.1.2 | Bakhala nje bagcolotelene. | (1) |
| | 1.1.3 | Ufuna kumtjela imfihlo yakhe. | (1) |
| | 1.1.4 | Thami <u>uyatifela</u> ngaThembi. | (1) |
| | 1.1.5 | Sonkhe asati kutsi likusasa lisiphatseleni ngetimphilo tetfu njengaThami losakhubatekile ngenca yengoti leyamvelela. | (2) |

- 1.1.6 Akasakwati kuphatsa Thembi ngemfanelo ngobe akasakwati kutentela lutfo ngenca yekukhubateka. Loko kuyamhlupha emoyeni wakhe/ Akasakwati kumeweta. (2)
- 1.1.7 Imibono itawehluka. (Labanye batawutsi umtfetfo ubone kutsi bonkhe banfu banetincwadzi tekushayela/imigwaco ibe sesimeni lesihle/ kubukwe kutsi litubane emgwacweni liyahlonishwa/ emabhande ayaboshwa etimotini/ kubukwe kutsi timoti tisesimeni lesikahle ngembi kwekungena emgwacweni, kubili kwaloku nalokunye lokungakabalwa lapha lokwemukelekile. (2)
- 1.1.8 Abengakholwa kutsi loko lakuvako ukuva ngempela. (2)
- 1.1.9 Wafa luhlangotsi netitfo takhe tonkhe kusuka elukhalo kushona phasi/ufe lesingentasi. (2)
- 1.1.10 Baphumelele kwenta tintfo letimbili ngelusuku lunye: kugubha lusuku lwekucala kutsandzana nekugubha lusuku lwekushada kwabo. (2)
- 1.1.11 Inkinga iya embili ngoba imiphumela yekufa kushiya lusizi emhlabeni kantsi inkinga yona solo imile. (2)
- 1.1.12 Lilanga lingawa lidliwe tinkhukhu/Lilanga alishoni lingenatindzaba talo. (1)
- 1.1.13 Imibono itawehluka (Labanye batawutsi bebangamncenga kutsi angakwenti loko/Labanye batawutsi bangabikela emaphoyisa, njll). (2)

TIMPHENDVULO TESIVISISO SESIBONWA

- 1.2 1.2.1 Tidzakamiva atikavunyelwa/akungasetjentiswa tidzakamiva. Loku kubonakala ngalomugca lovundlile lotsi loku akungentiwa. (2)
- 1.2.2 Kulahlekelwa yingcondvo/kulahlekelwa ngumsebenti ngokungabi sesimeni lesikahle sekusebenta/ kugula/kuhluhanisa iminden/ kudala bondzingasitsebeni/ kuntjontja/nelokunye lokungakabalwa lapha lokushaya emhloleweni. (kubili kwako) (3)
- 1.2.3 Labakusebentisako nalabakushushumbisako bangaboshwa/ tindiza letibuya kulamanye emave tiseshisiswa/imitfwalo lengena kuleli lebuya kulamanye emave ingaseshisiswa/emasimu ensangu nemitfombo yaletinye tidzakamiva lekuleli ishiswe nobe ivalwe/ emaphoyisa avimbetele tindzawo letisolelwako kungakatelelwa/ nalokunye lokungakabalwa lapha lokwemukelekako. (2)
- 1.2.4 Litiko Letenhlalakahle/Litiko Letekuphepha/Litiko letemfundvo/ Litiko letemphilo/nalamanye eMatiko langakabalwa lapha lemukelekako. (Mabili awo) (2)

SAMBA SIGABA A: 30

SIGABA B: SIFINYETO**UMBUTO 2****TIMPHENDVULO TESIFINYETO:**

- Bahlolwa kufanele baphendvule sifinyeto balandzele luhlakasimo lolufanele. Bahlolwa batawulahlekelwa limaki nangabe sifinyeto sibhalwe sangalandzeli luhlakasimo lolufanele.
- Nika limaki lalawo maphuzu labhalwe ngemisho legcwele
- Bahlolwa kufanele bakhombise linani lemagama labawasebentisile ekugcineni kwetimphehndvulo tabo.
- Elulwimini lwasekhaya, nika emamaki ngalendlela:
 - ***Emaphuzu lasi-7 amumetse emamaki lasi-7.***
 - ***Lulwimi lutawunikwa emamaki lama- 3***
 - **Tijeziso**
 - Nangabe lohlolwako angakasetfuli sifinyeto sakhe ngeluhlaka lolufanele utawulahlekelwa limaki linye kuphela kulesamba semamaki lanikiwe.
 - Emaphutsa elulwimi (luhlelo, sipelingi, timphawu): kulamamaki lamatsatfu elulwimi jezisa umhlolwa ngalendlela:
 - 0-4 emaphutsa - bahlolwa abajeziswa.
 - 5-10 emaphutsa – khokha limaki- 1
 - 11-15 emaphutsa–khokha emamaki lama- 2
 - 16 emaphutsa nobe ngetulu – khokha emamaki lama- 3
 - Kuvikela kutsi bafundzi batfole emamaki lamanyenti elilwimi kunalawo alokufinyetiwe, lokungiko lokubaluleke kakhulu, caphela kutsi emamaki elulwimi abelwa ngalendlela lelandzelako:
 - Kuze lohlolwako anikwe limaki linye lelulwimi, lokungenani kufanele kutsi abe neliphuzu linye kuya kulamatsatfu (1 – 3) lalungile.
 - Kuze lohlolwako anikwe emamaki lamabili elulwimi, lokungenani kufanele kutsi abe nemaphuzu lamane kuya kulasihlanu (4 – 5) lalungile.
 - Kuze lohlolwako anikwe emamaki lamatsatfu elulwimi, lokungenani kufanele kutsi abe nemaphuzu lasitfupha kuya kulasikhombisa (6 – 7) lalungile.
 - Khipha limaki linye emamakini lasanikwe umhlolwa emaphuzwini nasekutjentisweni kwelulwimi kungakhombisi emagama lasetjentisiwe nobe kubala kabi emagama

CAPHELA: Tifinyeto atingasetjentiswa kepha uma tivala esifinyetweni, tingabalwa nato.

UMONGO WETHEKSTHI**Nankha emaphuzu labalulekile:**

Sicashunwa	Emagama emhlohlwa
1. "... lusha kufanele lube nelikhono lekubhala umlandvo wemphilo walo ..."	1. Umlandvomphilo uchazela umcashi umuntfu lonelikhono lalifunako.
2. "... bafanele bati umsebenti labawufunako."	2. Umsebenti labawufunako kufanele uhambelane neticu tabo.
3. "... bente lucwaningo lwetidzingo tenkampani labafuna kuyoyisebentela."	3. Kubalulekile kutsi bati tidzingo tenkampani labafuna kuyoyisebentela
4. "babe nelwati lwenkhulumoluhlolo."	4. Bafanele bati imigomo yenkhulumoluhlolo.
5. "bati nekutsi lenkhulumoluhlolo icala ngalesikhatsi ungena nje emabaleni esikhungo labatewufuna kuso umsebenti."	5. Batfungatsimsebenti bati lapho inkhulumoluhlolo icala khona.
6. "Bafanele betsembeke babuye batitfobe."	6. <ul style="list-style-type: none"> • Kubalulekile kutsi losebentako atitfobe. • Kubalulekile kutsi losebentako atsembeke.
7. "bati indlela lekufanele batiphatsa ngayo emsebentini."	7. Indlela yekutiphatsa emsebentini yehlukile kunendlela lekuphilwa ngayo onkhe malanga.
8. "bati kutsi bayahloba babuye bagcoke kahle."	8. <ul style="list-style-type: none"> • Tinsila emsebentini atemukeleki. • Losebentako akagcoke ngendlela leyemukelekako.
9. "bafike ngesikhatsi bahambe ngesikhatsi lesifanele emsebentini."	9. Emsebentini kunesikhatsi lesibekiwe sekufika nekuhamba futsi.
10. "... babe nemakhono ekuchumana nalabanye bantfu."	10. Kubalulekile kutsi umuntfu abe nendlela yekuchumana nalabanye bantfu.
11. "... lokubaluleke kakhulu kutinikela emsebentini ..."	11. Losebentako kufanele asebente ngekutikhandla.

SAMBA SIGABA B: 10

SIGABA C: LUHLELO NELULWIMI**UMBUTO 3****Imemorandamu yekumaka sigaba C**

- *Sipelingi:*
 - Timphendvulo letifuna ligama linye kufanele tingemukelwa nangabe sipelingi sinemaphutsa.
 - Timphendvulo letifuna imisho legcwele kufanele tingemukelwa nangabe liphutsa lisesakhiweni selulwimini lesihlolwako.
 - Nangabe kuhlolwa sifinyeto, imphendvulo kufanele ifakwe tiphumuti/timphawu letifanele.
- Takhiwo temisho kufanele tilandzele luhlelo lolwemukelkile tibuye tibhalwe ngalokugcwele njengoba kubekwe eticondzisweni.
- Nangabe kuhlolwa inkhulumongco nenkhulumombiko netiphumuti, ½ kunganikwa incenye yelimaki.
- Imibuto lapho kunikwe timphendvulo letinyenti kutsi bahlolwa bakhetsa, akwemukelwe KOKUBILI luhlavu loluhambisana nemphendvulo KANYE nemphendvulo lebhalwe ngalokugcwele..

TIMPHENDVULO

- 3.1 Maye! ngiyanivela ngekulahla buve benu. (1)
- 3.2 Bantfu bashikashika/ babhikisha kutsi tonkhe tilwimi tebantfu tilingane. (1)
- 3.3 Kwakhiwa umusho ngesaga lesilandzelako kute kuvele inchazelo lengentasi:
Inala ayihambi kuhamba indlala.
Inchazelo: Intfo lembi iyashesha kudvuma.
Sib. Bugebengu sebugcwele lonkhe leli, phela inala ayihambi kuhamba indlala. (2)
- 3.4 Sive kumele sente umhlangano welukhetfo lapho kukhetfwa khona baphatsitikhundla. (1)
- 3.5 Kwakhiwa umusho lonamunye walemicondvo lelandzelako:
Kusika/kuncamula/kujubela/kuphola kwemafutsa atiye/kukhipha sigwebo.
Sib. Emafutsa enyama ancumile. (1)
- 3.6 Sihleti asenti lutfo. (1)
- 3.7 Sive siyatinta sidla butfongo. (1)
- 3.8 Akucalwe ngeSiswati kucala, ngobe sona sibaluleke kwendlula tonkhe letinye tilwimi.
Tonkhe tilwimi tiyalingana. (2)

[10]

UMBUTO 4

- 4.1 Kukhulisa intfo ibe yinkhulu kakhulu. (1)
- 4.2 Umfundzisi ungene kwatsi dvu ekilasini, njll (2)
- 4.3 **Kanyamazane ligama lendzawo/ emabito etindzawo acala ngafeleba/** (1)
- 4.4 Lilibitongco (1)
- 4.5 Bantfu balapha abalimi ehlobo.
Umfuyi utitsengise tonkhe tinkhabi takhe. (caphela kutsi leligama libe ngumentiwangco) (2)
- 4.6 Bavuka bageze, badle, bahambe. (3)
- 4.7 "Vukani bafana bami nibophele." (3)
- 4.8 Timpambosi:
- 4.8.1 Bantfu balapha bayatilimela. (1)
- 4.8.2 Phela ngiyo indlela yekufundzisa lusha le. (1)
- 4.9 Tindlela tesento:
- 4.9.1 Indlela leyamile. (1)
- 4.9.2 Indlela lephocelelako / lephocako. (1)
- 4.10 Bahlolwa bakha umusho ngesibanjalo - ngumfundzi
Sibonelo: Umtali usitwe ngumfundzi waseNhlaba ekulimeni sivandze sakhe. (1)
- 4.11 Timbanjana tebafana tifomile nemiconjwana yabo ihhwabile. (2)

[20]

SAMBA SIGABA C: 30
SAMBA SAKO KONKHE: 70